

## CYNGOR SIR CEREDIGION

<b>Adroddiad i'r:</b>	<b>Pwyllgor Llywodraethu ac Archwilio</b>
<b>Dyddiad y Cyfarfod:</b>	<b>27 Medi 2022</b>
<b>Teitl:</b>	<b>Ymateb RhCAM i Gynllun Gweithredu Gwella Asesu Ansawdd Allanol.</b>
<b>Pwrpas yr adroddiad:</b>	<b>Darparu ymateb i'r Aelodau i'r argymhellion a wnaed yn Asesiad Ansawdd Allanol Archwilio Mewnol.</b>

Mae Nodyn Cais Llywodraeth Leol Y PSIAS a CIPFA yn disodli Cod Archwilio Mewnol 2006 a daeth i rym o fis Ebrill 2013.

Rhaid cydymffurfio â'r PSIAS a'r Nodyn Cais er mwyn sicrhau bod arferion archwilio mewnol priodol yn gymhwys. Mae'r Nodyn Cais yn cynnwys rhestr wirio sydd wedi'i ddatblygu i fodloni'r gofynion a nodir yn PSIAS 1311 a 1312 ar gyfer hunan-asesiadau cyfnodol fel rhan o'r Rhaglen Sicrhau Ansawdd a Gwella.

Mae'n ymgorffori gofynion y PSIAS yn ogystal â'r Nodyn Cais er mwyn rhoi sylw cynhwysfawr i'r ddwy ddogfen.

Cynhaliodd tîm Archwilio Mewnol Ynys Môn adolygiad gan gymheiriaid o asesiad cyfoedion 2021/22 Ceredigion RhCAM rhwng Mai – Gorffennaf 2022 i ddarparu asesiad allanol o gydymffurfiaeth y gwasanaeth, yn ôl y gofyn gan PSIAS.

<b>Argymhelliad:</b>	I nodi'r adroddiad ac ymateb y gwasanaeth i Asesiad Ansawdd Allanol yr Adran Archwilio Mewnol.
<b>Rheswm dros yr argymhelliad:</b>	Er mwyn sicrhau bod y pwyllgor yn fodlon bod y gwasanaeth Archwilio Mewnol yn ymateb yn unol â'r argymhellion a wnaed yn yr asesiad.
<b>Atodiadau:</b>	Ymateb y Rheolwr Corfforaethol Archwilio Mewnol i Asesiad Ansawdd Allanol y Gwasanaeth Archwilio Mewnol.
<b>Swyddog Arweiniol Corfforaethol:</b>	Elin Prysor, Swyddog Arweiniol Corfforaethol – Cyfreithiol a Llywodraethu / Swyddog Monitro
<b>Swyddog Adrodd:</b>	Alex Jenkins Rheolwr Corfforaethol – Archwilio Mewnol
<b>Dyddiad:</b>	19 Awst 2022

Mae'r ddogfen hon ar gael hefyd yn Saesneg  
This document is also available in English

**GWASANAETHAU  
CYFREITHIOL A  
LLYWODRAETHU**

**LEGAL & GOVERNANCE  
SERVICES**

**GWASANAETH ARCHWILIO MEWNOL**

**INTERNAL AUDIT SERVICE**



Cyngor Sir  
**CEREDIGION**  
County Council



Ymateb y Rheolwr Corfforaethol - Archwilio Mewnol i'r:  
**ASESIAD ANSAWDD ALLANOL O  
ARCHWILIO MEWNOL**

Paratowyd yr Adroddiad gan: Alex Jenkins, Rheolwr  
Corfforaethol –  
Archwilio Mewnol

Dyddiad Cyhoeddi: 22 Awst 2022

# Ymateb y Rheolwr Corfforaethol - Archwilio Mewnol i'r: **ASESIAD ANSAWDD ALLANOL O ARCHWILIO MEWNOL**

## **CEFNDIR**

Daeth Safonau Archwilio Mewnol y Sector Cyhoeddus i rym ar 1 Ebrill 2013 ac roeddent yn cyflwyno gofyniad i gynnal asesiad allanol o bob gwasanaeth archwilio mewnol. Rhaid cynnal y rhain o leiaf unwaith bob pum mlynedd a hynny gan adolygydd cymwys, annibynnol o du allan i'r sefydliad.

Gwnaeth tîm adolygu o Gyngor Sir Ynys Môn, a oedd yn cynnwys y Pennaeth Archwilio a Risg a'r Prif Archwilydd, gynnal gwerthusiad o hunan-asesiad Cyngor Sir Ceredigion a hynny rhwng Mai a Gorffennaf 2022. Yn unol â'r Safonau Archwilio Mewnol, roedd gan y ddau adolygydd y cymwysterau priodol ac roeddent yn archwilwyr mewnol profiadol.

Mae'r Safonau Archwilio Mewnol (PSIAS yw'r acronym Saesneg) yn cwmpasu elfennau gorfodol o Fframwaith Arferion Proffesiynol Rhyngwladol (IPPF) Sefydliad yr Archwilwyr Mewnol (IIA), sef: y Diffiniad o Archwilio Mewnol, y Côd Moeseg, a'r Safonau Rhyngwladol ar gyfer Gwaith Proffesiynol Archwilio Mewnol.

Ledled elfennau gorfodol y Safonau Archwilio Mewnol, mae yna 56 o feysydd neu safonau arfer orau sy'n cynnwys 304 o linellau arfer orau.

**Roedd yr asesiad dilysu a wnaed ym mis Gorffennaf 2022 gan Gyngor Sir Ynys Môn wedi dod i'r casgliad fod gwasanaeth archwilio mewnol Cyngor Sir Ceredigion ar hyn o bryd yn cydymffurfio gyda 50 o Safonau Archwilio Mewnol y Sector Cyhoeddus ac yn cydymffurfio yn rhannol â chwe maes. Ni nodwyd dim enghreifftiau o beidio â chydymffurfio.**

**Felly, roedd asesiad cyffredinol o 'Gydymffurfio yn Gyffredinol' â Safonau Archwilio Mewnol y Sector Cyhoeddus yn berthnasol.**

## **NOD**

**Prif nod yr adroddiad hwn yw rhoi ymateb i'r camau a argymhellir yn y Cynllun Gwella a rhoi gwybod i'r Pwyllgor Llywodraethu ac Archwilio am y gwaith sydd ar y gweill i fynd i'r afael â'r argymhellion (Atodiad I).**

Mae'r ddogfen hon ar gael hefyd yn Saesneg  
This document is also available in English

### Atodiad I – Ymateb y Rheolwr Corfforaethol Archwilio Mewnol i'r Cynllun Gweithredu er mwyn Gwella gan Ynys Môn

Cyf	Cyf PSIAS	Maes Gwella	Argymhelliad	Cyfrifoldeb	Amserlen
1	1000	Nid yw'r Siarter Archwilio Mewnol yn amlinellu ar hyn o bryd gyfrifoldebau penodol y Pwyllgor Llywodraethu ac Archwilio, na rôl y swyddogion statudol (Prif Swyddog Gweithredol / Prif Swyddog Ariannol / Swyddog Monitro) ynglŷn ag Archwilio Mewnol.	Diweddarau a chael cymeradwyaeth i'r Siarter Archwilio Mewnol a fydd yn cynnwys cyfrifoldebau'r Pwyllgor Llywodraethu ac Archwilio a'r Swyddogion Statudol parthed Archwilio Mewnol.  <b>Bydd hyn yn cael ei gynnwys yn y Siarter ar adeg adolygiad blynyddol nesaf y Siarter Archwilio Mewnol.</b>	Rheolwr Corfforaethol – Archwilio Mewnol	Adolygiad blynyddol nesaf y Siarter Archwilio Mewnol
2	1210	Nid yw'r Rheolwr Corfforaethol – Archwilio Mewnol yn meddu ar gymhwyster proffesiynol Archwilio Mewnol. Fodd bynnag, mae hi'n astudio ar hyn o bryd ar gyfer cymhwyster proffesiynol Sefydliad Siartredig yr Archwilwyr Mewnol (CIIA). Mae pennaeth archwilio mewnol yn gwneud swydd hanfodol yn y Cyngor. Dywed CIPFA mewn Datganiad <sup>1</sup> fod yn rhaid i bennaeth archwilio mewnol, er mwyn cyflawni'r rôl, fod â chymwysterau proffesiynol a phrofiad cymwys.	Dylai'r Cyngor gefnogi'r Rheolwr Corfforaethol – Archwilio Mewnol er mwyn cyflawni, ar y cyfle cyntaf, gymhwyster proffesiynol Sefydliad Siartredig yr Archwilwyr Mewnol (CIIA).  <b>Cytuno – mae cymhwyster y Rheolwr Corfforaethol - Archwilio Mewnol eisoes ar y gweill. Anelu i'w gwblhau o fewn 12 mis.</b>	Rheolwr Corfforaethol – Archwilio Mewnol	Cyn gynted â phosib

<sup>1</sup>Mae Datganiad CIPFA ar rôl pennaeth archwilio mewnol mewn Sefydliadau Gwasanaeth Cyhoeddus (2019) yn cyd-fynd â Safonau PSIAS (2017) ac yn cysylltu'n benodol â'r Egwyddorion Craidd ar gyfer Gwaith Proffesiynol Archwilio Mewnol.

3	2010	<p>O ganlyniad i bandemig COVID-19, ni wnaeth y Rheolwr Corfforaethol Archwilio Mewnol gynnal yr asesiad risg arferol i ddatblygu'r cynllun archwilio blynyddol yn 2021/22. Ar gyfer 2022/23, tra bod y Rheolwr Corfforaethol Archwilio Mewnol wedi ystyried yr asesiad risg arferol wrth ddatblygu'r cynllun archwilio blynyddol, mae'r rhaglen waith wedi bod yn hyblyg gan ganolbwyntio ar feysydd gwaith a nodwyd yn flaenorol ynghyd â risgiau allweddol o'r gofrestr risg gorfforaethol a cheisiadau penodol am sicrwydd.</p> <p>Yn ogystal, nid yw blaenoriaeth y gwaith i'w wneud yn cael ei nodi'n benodol yn y cynllun blynyddol.</p>	<p>Dylai'r Rheolwr Corfforaethol Archwilio Mewnol newydd barhau i ddatblygu'r broses asesu risg i lywio'r cynllun blynyddol ar gyfer gweithgaredd archwilio mewnol, ac amlinellu blaenoriaeth y gwaith sydd i'w wneud yn y cynllun.</p> <p>Dyma gyfle delfrydol i sicrhau bod y cynllun archwilio blynyddol yn cyd-fynd yn llwyr â fframwaith rheoli risg y Cyngor ac yn canolbwyntio ar y risgiau allweddol i'w amcanion strategol.</p> <p><b>Mae'r Rheolwr Corfforaethol Archwilio Mewnol wrthi'n datblygu'r broses o asesu risg er mwyn ymgorffori Cofrestr Risg Gorfforaethol y Cyngor. Cynhelir hyn yn y dyfodol drwy feddalwedd Rheoli Archwilio Pentana.</b></p> <p><b>Er bod y cynllun presennol yn nodi mai'r flaenoriaeth o ran Archwilio Mewnol yw sicrwydd, bydd Cynlluniau Archwilio'r dyfodol yn nodi'n eglur flaenoriaeth y gwaith ar gyfer y flwyddyn.</b></p>	<p>Rheolwr Corfforaethol – Archwilio Mewnol</p>	<p>O fewn 12 mis</p>
---	------	---	--	---	----------------------

Mae'r ddogfen hon ar gael hefyd yn Saesneg  
This document is also available in English

Cyf	Cyf PSIAS	Maes Gwella	Argymhelliad	Cyfrifoldeb	Amserlen
4	2050	<p>Cyn pandemig COVID-19, roedd y tîm Archwilio Mewnol wedi datblygu map sicrwydd a oedd yn nodi'r ffynonellau sicrwydd ar draws y Cyngor, ond roedd cwmpas ac aeddfedrwydd y map yn gyfyngedig.</p> <p>Mae'r Rheolwr Corfforaethol Archwilio Mewnol newydd a'r Uwch Archwilydd wrthi ar hyn o bryd yn gwella a chryfhau'r map sicrwydd i gynnwys sylw i sicrwydd yn ehangach a'r defnydd o 'Fodel Tair Llinell/ <i>Three Lines Model</i>' Sefydliad Siartredig yr Archwilwyr Mewnol.</p>	<p>Parhau i ddatblygu'r broses o fapio a chategoreiddio ffynonellau sicrwydd i'r Cyngor gan ddefnyddio'r model 'Tair Llinell'.</p> <p>Ar ôl ei gwblhau, cynnwys y map sicrwydd yn y broses o gynllunio'r archwilio blynyddol mewn perthynas â safon PSIAS - 'Cydlynu 2050'.</p> <p><b>Caiff Mapio Sicrwydd ei drafod ym mhob cyfarfod tîm. Mae'r Map Sicrwydd bellach wedi'i wella ac yn defnyddio'r 'Model Tair Llinell'. Hefyd mae'n cynnwys sylw eang i sicrwydd o ffynonellau eraill, a sicrwydd cofnodion ar gyfer y ddwy risg ar y Gofrestr Risg Gorfforaethol a hefyd risgiau eraill y mae Archwilio Mewnol yn ymwybodol ohonynt ac a allai barhau i beri risg i flaenoriaethau'r Cyngor.</b></p>	Rheolwr Corfforaethol – Archwilio Mewnol	O fewn 12 mis

Mae'r ddogfen hon ar gael hefyd yn Saesneg  
 This document is also available in English

Cyf	Cyf PSIAS	Maes Gwella	Argymhelliad	Cyfrifoldeb	Amserlen
5	2220	<p>Nid yw archwilwyr yn cyhoeddi dogfen ffurfiol sy'n amlinellu cwmpas ac amcanion pob archwiliad cyn iddo ddechrau, nac ychwaith yn ceisio 'cytundeb' o'r cwmpas gyda'r Pennaeth Gwasanaeth/ Rheolwr perthnasol. Fel arfer, rhoddir hysbysiad o waith archwilio yn anffurfiol drwy e-bost, ac ati, cyn yr archwiliad.</p> <p>Mae ymgysylltu'n ffurfiol â'r gwasanaeth perthnasol cyn yr archwiliad a chytuno ar gwmpas y gwaith ymlaen llaw yn helpu i greu ymrwymiad i'r archwiliad a'r argymhellion a nodir yn ei sgil a pherchnogaeth drostynt.</p>	<p>Cyflwyno proses o ddogfennu, cyflwyno a chytuno ar gwmpas archwilio ffurfiol gyda'r rheolwyr cyn i'r gwaith archwilio ddechrau.</p> <p>Mae'r tîm Archwilio Mewnol wrthi'n rhoi meddalwedd newydd ar waith ar gyfer archwilio mewnol (Pentana MKI) sydd â'r gallu i gwmpasu archwilio ac felly gellir ei defnyddio at y diben hwn.</p> <p><b>Crëwyd Dogfen Cwmpasu a fydd yn cael ei rhoi i archwilwyr fel ymgysylltiad ffurfiol cyn i'r archwiliad ddechrau, i amlinellu cwmpas ac amcanion pob archwiliad.</b></p> <p><b>Gwneir hyn drwy Pentana yn y dyfodol.</b></p>	<p>Rheolwr Corfforaethol – Archwilio Mewnol</p>	<p>O fewn 12 mis</p>

Mae'r ddogfen hon ar gael hefyd yn Saesneg  
This document is also available in English

Cyf	Cyf PSIAS	Maes Gwella	Argymhelliad	Cyfrifoldeb	Amserlen
6	2421	<p>Yn ymarferol, os yw adroddiad archwilio yn cynnwys gwall sylweddol neu'n hepgor rhywbeth ac mae angen ei gywir, bydd y Rheolwr Corfforaethol Archwilio Mewnol neu'r archwilydd perthnasol yn sicrhau bod fersiwn ddiweddaedig yn cael ei chyflwyno i'r holl dderbynwyr ar y rhestr ddosbarthu wreiddiol. Fodd bynnag, nid yw'r broses hon wedi'i chynnwys yn y Llawlyfr Archwilio.</p>	<p>Diweddarau'r Llawlyfr Archwilio Mewnol i gyd-fynd.</p> <p><b>Bydd hyn yn cael ei ddiweddarau yn y Llawlyfr Archwilio.</b></p>	<p>Rheolwr Corfforaethol – Archwilio Mewnol</p>	<p>O fewn 3 mis</p>
7	2450	<p>Nid yw Adroddiad Blynyddol 2021/22 y Rheolwr Corfforaethol Archwilio Mewnol, sy'n cynnwys y farn archwilio gyffredinol ar gyfer y cyfnod, yn cynnwys unrhyw gyfyngiadau ynghylch cwmpas.</p> <p>Mae cyfyngiadau ynghylch cwmpas yn bodoli ym mhob achos o waith archwilio mewnol. Ni ellir dibynnu ar archwilio mewnol, yn enwedig tîm bach, i nodi'r holl gryfderau a gwendidau a geir yng ngweithrediadau'r Cyngor. Mae'n bwysig nodi bod y cyfrifoldeb am system gadarn o reolaethau mewnol yn gorwedd yn y pen draw gyda'r rheolwyr ac ni ddylid ymdrin â gwaith archwilio mewnol fel rhywbeth sy'n cymryd lle cyfrifoldebau'r rheolwyr i roi arferion rheoli mewnol cadarn ar waith.</p>	<p>Cynnwys adran yn yr Adroddiad Blynyddol ar gyfer unrhyw gyfyngiadau ynghylch cwmpas ar gyfer Archwilio Mewnol yn y flwyddyn dan sylw.</p> <p><b>Mae cyfyngiadau ynghylch cwmpas wedi cael eu hadrodd yn y gorffennol, drwy eithriad.</b></p> <p><b>Bydd adran yn cael ei chynnwys yn yr Adroddiad Blynyddol nesaf (2022/23) i gynnwys unrhyw gyfyngiadau o ran cwmpas ar gyfer y flwyddyn.</b></p>	<p>Rheolwr Corfforaethol – Archwilio Mewnol</p>	<p>Adroddiad Blynyddol nesaf (2022/23)</p>



Mae'r ddogfen hon ar gael hefyd yn Saesneg  
 This document is also available in English

Cyf	Cyf PSIAS	Maes Gwella	Argymhelliad	Cyfrifoldeb	Amserlen
8	2500	Ers dechrau pandemig COVID-19, nid yw'r tîm archwilio mewnol wedi dilyn camau y cytunwyd arnynt gyda'r rheolwyr i sicrhau bod gwasanaethau yn eu gweithredu'n effeithiol, neu fod uwch-reolwyr yn derbyn y risg o beidio â gweithredu.	<p>Ailosod y broses dilyn i fyny.</p> <p>Mae gan system Pentana (MKI) y gallu i olrhain camau gweithredu, felly gellir ei defnyddio at y diben hwn unwaith y bydd ar waith.</p> <p><b>Mae'r broses o ddilyn i fyny'r camau a argymhellir wedi cael ei hadfer ar gyfer 2022/23.</b></p> <p><b>Mae gwaith ar fin mynd rhagddo i asesu a fyddai'n werth ailedrych ar argymhellion o'r gorffennol na chafodd eu dilyn i fyny oherwydd pandemig Covid-19.</b></p> <p><b>Bydd y broses yn cael ei chynnwys yn y dyfodol yn system Rheoli Archwilio Pentana, lle gellir cynhyrchu adroddiadau monitro, a'i hadrodd i GAC.</b></p>	Rheolwr Corfforaethol – Archwilio Mewnol	O fewn chwe mis